

Cascade Skreening faniten Lipoprotein(a)

Met Ei Cascade Skreening?

Cascade skreening nge sia nounou ren ekoch semwenin pekin genetic ach sipwe checki chochon ew famini ren io mi mecheres epwe tori ewe semwen. Ei fisefisen semwen a sokono nefinen ew me ew semwenin genetic me ifa usun an feitiw won nounour.



Pwata Cascade Skreening a Ouchea?

- **Mutir kuna osukosuken semwen:** Esina ifa ekewe apwangepwangen semwen me mwen an fisita ekewe esisin.
- **Emwenin epet:** Apochokuna ngenir aramas ar repwe mutir epeti me tumwunu manawer.
- **Apochokuna famini:** Anisir famini ar repwe weweiti ekewe osukosuken semwen me wor rer weweoch ar repwe finata fengeni.

Ifa Usun an Cascade Skreening a Anis ren Lp(a)?

Lipoprotein(a), ika Lp(a), nge ew kolesterol a nukei lipoprotein me non cha. Lefelin ei metoch sia angei seni inn me sam, iwe nupwen a tekia, ra tongeni esenipato semwenin ngasangas ika stroke. **Cascade skreening a anisi kich ach sipwe esina ekewe kekitan lefel me non chon non ach famini.**

Met Upwe Fori Murin?

1. Angei tesin Lp(a)

Masowen emwen mi eureura pwun **iteiten aramas meinisin repwe angei tesin Lp(a) ika mwo fan ew chok non manawer.** Ew standard kolesterol panel ese pachononong ei tes me non. Eisini noumw ewe daktor ren ena amecheresin tesin Lp(a) ren cha pwe kopwe sinei omw lefel.

2. Kopwe Angang Ika pwe Om Lp(a) Level A Tekia

Ika omw lefel mi tekia, innomw me semom, pwimw, ika noumw semirit mi pwan tekia ar lefel. Erenir pwun repwe pwan angei ena tes. Noumw ewe daktor mi tongeni aweweni ngonuk me omw famini ren met wewen ekei lefel me met kopwe tongeni fori pwe epwe ekisatiw fisefisen semwenin ngasangas me stroke.